

gno dela prefata Illustrissima deta Signoria de Venexia misier Bartholomeo Marcello per confirmation et reformation dela dita paxe ac etiam de certe dechiARATION de nuovo contrato como aparerà in li sotoscripti Capitoli oltra la forma de la predita prima paxe reformadi et conclusi infra la mia Signoria et la prefata Illustrissima deta Signoria. Perho io gram Segnor et gram amira soldam Mahamet bey prometo per li soprascripti sacramenti che de sopra ho zurado che come era la paxe et amicitia per avanti cum la prelibata Illustrissima deta Signoria de Venezia cum li zentilhomeni soi piccoli et grandi et cum tuti altri suo subditi et collegadi ho fato et faso fedel bona e dreta et pura paxe et senza dolo per mar et per terra citade terre et Ixole et luogi che lievano el confalon de San Marco et quante levarano dancò (*da oggi*) inavanti et in le cosse che i possiedeno al di dancuo et quelle che i possiederano in el tempo ha a vegnir la prelibata Illustrissima deta Signoria de Venexia.

*Capitoli de la prima paxe.*

Primo: niuno deli subditi et homeni che siano sugeti et che se sotometesse ala mia Segnoria faza algun danno ne che mi mel meta pur in el animo ne consentir che el se faza alcun danno over impazo per comandamento et voluntade dela mia Segnoria. E per alguna caxon alcun cativo homo dela mia Segnoria non debia far danno over impazo al comun de Venexia. Et se per questo vegnisse alguna notitia, over rechiamo ala mia Segnoria, Io lo debia castigar condecentemente secondo el suo delicto per exemplo de altri che se riguardino de far algun danno over molestia ala Illustrissima deta Signoria de Venexia et nuoxer a quelli che sera sta principio del mal, possando quelli castigar e correzer; simelmente debia far la Illustrissima deta Signoria de Venexia verso la mia Segnoria et verso tuti i mie luogi.

Item se per alguna caxon se atrovasse homo over homeni i quali avesse fato tratado over tradimento contra la Illustrissima deta Signoria de Venexia per tradir cittade terre castelle caxal o ixola overo algun altro luogo ala mia Segnoria over a homo dela